

Da Bo

Kennst an Bergbo, der spritzt, spru'lt und springt?
Kennst a Bachal, wos si durch Olmwies'n schlingt?
Dageg'n bist orm, du Plotta Bo, weu'st net rauscht und net tost,
weu'st in deen Bett fost koa Wossa drin host.

Vom Neuriss owa kimmt nur oa Doppla om To.
D'Kiahleit'n oiweu trucka 's is scho a so!
Vom Hoizbrunn' uma nur a truckana Grob'm.
Woher soi unsa Bachal a Wossa do hob'm?

Om Onfong is da Bo no gonz vesteckt,
vo d'Hetschabetschtau'na und vom Schüf vodeckt.
Nocha kimmt a Drenasch, mir sog'n, a Brind'l is's,
dahinta a Teich — a kloa's Krot'n-Paradies!

Schlehan om Borond stehngan donn bis zum Ort.
Owa wos iatzt kimmt, is fir unsa Bachal recht hort:
Iwa a betonane Rinna muiss sa si quöl'n,
wonn's de **net** gawat, in Bo tat's net föhl'n.

Om Onga donn späta, geht's wieda bessu in Bo.
Koa Mistlocka rinnt mehr eene, 's stinkt nimma so.
Freuli im Winta hot's net g'stert uns ois Kina
beim Rutsch'n und Zachalfohr'n in dera Rinna.

Endli vodruckt si da Bo, wo is Ort is om End,
schlupft unta da Boh durch, is boid in Zöllandorf ent.

Jo unsa Plotta Bo — sche is a scho a —
owa schena wa's no, wonn a a Wossa drin wa!

August 2019